



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გიორგაძე გრიგოლ ტიმოთეს ძე



გ. ტ. გიორგაძე

გიორგაძე გრიგოლ ტიმოთეს ძე (20. XI. 1879, ქუთაისი, – 18. VIII. 1937, ყაზახეთი), პოლიტიკური და საზოგადო მოღვაწე, იურისტი, ისტორიკოსი და პუბლიცისტი. 1902 დაამთავრა ქუთაისის სას. სემინარია, 1909 ხარკოვის უნ-ტის იურიდ. ფაკ-ტი. 1905–19 იყო ს.-დ. (მენშევიკური) პარტიის წევრი, 1919–21 - დამოუკიდებელი ს.-დ. ორგანიზაციის – „ახალი სხივის“ ლიდერი, 1909–10 – გაზ. „ფონის“ რედ.-გამომცემელი (ქუთ.). 1917–18 გ. იყო საქართვე. ეროვნ. საბჭოს წევრი, 1918–19 – საქართვე. დემოკრ. რესპუბლიკის სამხ. მინისტრი, 1919–21 – საქართვე. დამფუძნებელი კრების

წევრი და სხიველების ფრაქციის თავ-რე. ბოლშევიკური რუსეთის მიერ საქართვე. ოკუპაციის შემდეგ 1921 დააპატიმრეს. 1922–37 ეწეოდა საადვოკატო მოღვაწეობას, იყო საქართვე. დამცველთა (ადვოკატთა) კოლეგიის წევრი, სხვადასხვა დაწესებულებების იურისკონსულტი, საქართვე. სახელმწ. მუზეუმის უფრ. მეცნ. თანამშრომელი. იკვლევდა საქართვე. ფეოდ. ხანის, ახ. და უახლესი ისტორიის, ფეოდ. ხანის საქართვე. სოც. ურთიერთობათა ისტორიის, ქართ. სამართლის ისტორიის საკითხებს. 1937 გ. დააპატიმრეს და გადაასახლეს ყაზახეთში, სადაც იმავე წელს გარდაიცვალა.

თხზ.: ფეოდალური ურთიერთობა საქართველოში, ტფ., 1926; საზოგადოებრივი ურთიერთობა საქართველოში ბატონყმობის გადავარდნიდან პირველ რევოლუციამდე (1864–1905), ტფ., 1928.

